

經

義

述

聞

經義述聞第二十三

高鄧王引之

春秋名字解詁下一百三十五條

鄭游販字子明

襄二十二年左傳

說文販多白眼也春秋傳曰鄭游販字子明檀弓鄭注曰明目精也。

鄭公孫輒字子耳

襄九年十年左傳

輒耳古字通說文耳耳垂也從耳下垂象形春秋傳曰秦公了耳耳者其耳垂也故以爲名案春秋傳無秦公子耳蓋鄭公孫輒之誤也耳垂謂之耳故車耳亦謂之輒說文輒車兩輪也輓車旁也輓車輓上曲

鉤也。磨乘與金為耳也。

宋本為誤作馬。毛本又於金下增飾字。案史記禮書彌龍

徐廣曰：乘與金薄，蟬龍為與倚較。即所謂乘與金為耳也。彌與磨通。較，車耳反出也。犬

元積次四，君子積善，至于車耳。測曰：君子積善，至于

蕃也。范望注云：蕃，車耳也。

蕃與輻通。

漢書景帝紀：長吏二

千石，車朱兩輻，千石至六百石。朱左輻，應劭注云：車

耳反出，所以為之藩，屏翳塵泥也。

案朱輻即古今注所謂文官赤耳也。

今本古今注云：文官青耳，武官赤耳，誤也。崔豹古今注：重耳，古重較也。

與較

同。文官赤耳，武官青耳。然則輻、輻、較、輻、磨，皆車耳也。

鄭大夫有姚句耳。

句同鉤。

此輻上曲鉤之義也。晉文公

名重耳。晉大夫有梁益耳。此重較為重耳之義也。

魯子叔輒字伯張

昭二十一年左氏經注

叔孫輒字子張

哀八年左傳

耳垂左右皆外向其象侈張輒之反出以向外亦如之說文聃張耳有所聞也大荒東經曰有一大人張其兩耳

秦毋字間

仲兄弟子傳

毋讀爲聃毋聃古字通定四年左傳聃季史記管蔡世家衛康叔世家竝作毋季說文聃耳曼也名毋字間與名輒字張同義

李耳字明

史記老子傳姓李氏名耳字伯陽謚曰聃索隱云許

慎云。聃耳漫也。故名耳字聃。今作字伯陽非正也。

鄭公孫黑肱字子張

襄十八年左傳注

大戴禮王言篇。布指知寸。布手知尺。舒肘知尋。舒肘謂張兩肱也。八尺曰尋。鄭注考工記梓人云。張臂八尺。

楚馯臂字子弓

仲尼弟子傳

弓讀爲肱。古字弓與肱通。鄉射禮。侯道五十弓。鄭注云。今文弓爲肱。昭三十一年春秋。邾黑肱以濫來奔。公羊作黑弓。

齊后處字子里

仲尼弟子傳

鄒風將仲子篇無踰我里。毛傳云里居也。論語里仁爲美。里仁爲美。擇不處仁。焉得知。鄭注云里者民之所居也。

齊陳盈字子芷

元和姓纂有子芷云陳僖子生子芷盈曰氏焉

盈讀爲楹。芷讀爲杗。楹柱也。杗棟也。說文杗棟也。從木亼聲。引爾雅曰杗廂謂之梁。蓋杗者棟之一名。杗廂者梁之一名。謂之杗廂者言梁上承棟。棟之所留止也。釋名楹或謂之望言高可望也。或謂之棟。棟中也。居屋之中也。蓋望與杗古同聲。杗卽望也。然則棟謂之杗。梁謂之杗廂。故說文曰杗棟也。又曰杗廂謂

之梁辨其名物之不同也。或欲刪說文棟也二字非是。

齊杞殖字梁

襄二十三年左傳

殖讀爲植。立者謂之植。橫者謂之梁。爾雅植謂之傳。傳謂之突。郭注曰。戶持鎖植也。厥經音義卷七引三倉云。戶旁柱曰植。墨子非儒篇季孫與邑人爭門闢。決植。淮南本經篇絲聯房植。高注曰。植。戶植也。夏官大司馬大役與慮事屬其植。鄭注曰。植。築城楨也。是立者謂之植也。爾雅檜謂之梁。米廬謂之梁。是橫者謂之梁也。爾雅又曰隄謂之梁。亦取橫互之義。

楚公子啓字子閭

哀六年左傳

說文閭里門也名啓字閭取啓門之義王氏南陔曰啓與閭皆行陳之名左氏襄二十三年傳言齊侯伐衛其軍有啓有肱孔疏以左翼曰啓爲賈逵說逸周書武順篇一卒居前曰開一卒居後曰敦左右一卒曰閭孔晁注開猶啓皆陳名

卞仲由字子路魯顏無繇字路

並仲尼弟子傳

繇與由同取由路之義也

楚屈建字子木

襄二十五年左傳

太子建字子木

哀十六年傳

建讀爲捷說文捷距門也

南都賦注所引如是今本作阨門也謬

從木

建聲蓋樅者闢牡所以距門使不可開也顏氏家訓

曰古樂府歌百里奚詞曰百里奚五羊皮烹伏雌吹

扃扃

廣韻云扃扃戶扇

今日富貴忘我爲吹當爲炊案蔡邕

月令章句曰鍵闢牡也所以止扉或謂之剡移然則

當時貧困并以門牡木作薪炊耳

以上家訓

門牡以木爲

之故字子木老子曰善閉無闕樅而不可開淮南繆

稱篇曰匠人斲戶無一尺之樅不可以閉藏

陳諸字伯爰

唐書宰相世系表

諸讀爲堵爰讀爲垣小雅鴻雁篇之子于垣百堵皆

作傳云一丈爲板五板爲堵箋云徵民起屋舍牆壁

百堵同時而起射義蓋觀者如堵牆牆亦垣也

齊公孫竈字子雅

昭三年左傳子雅韓子外儲說篇作子夏

雅讀爲竈竈雅古同聲

雅古音伍說見唐韻正

故竈通作雅玉

篇引倉頡篇曰楚人呼竈曰竈

齊公子固字子城

昭八年左傳注八年傳作子成假借字也十年傳正作子城

夏官掌固掌脩城郭溝池樹渠之固襄十年左傳城

小而固是其義也或曰固城楚邑名昭十三年傳圍

固城克息舟城而居之是也

固城息舟城皆楚邑也杜注謂息舟楚邑城之

堅固者非是

魯公孫宿字成

哀十五年左傳注

成與城通。隱元年春秋及宋人盟于宿。杜注曰：宿，小國。東平無鹽縣也。僖二十一年左傳所謂任宿須句，顓臾風姓也。國必有城，故字城。

宋大宰盈字蕩

莊子天運篇：商大宰蕩曰：蕩聞之云云。釋文：蕩，開之一本。蕩作盈，崔本同。或云：

盈，大宰字。案大宰自稱盈，則盈其名也。蕩字也。

盈讀爲程。

戶經他切。

方言：檜，前几。江沔之間曰程。郭注

曰：今江東呼爲承程。說文：程，牀前几也。

廣韻：檜，牀前長几。

古零切。

程也。東方謂之蕩。段注曰：謂之程者，言其平也。

程之言呈，說文呈，平也。

案蕩亦平也。齊風南山傳云：蕩，平易也。

几平則謂之檜。又謂之蕩矣。古音盈與呈通。昭二十

三年穀梁春秋胡子髡沈子盈滅釋文盈本亦作逞
襄二十二年左傳欒盈自楚適齊史記晉世家作欒
逞說文攴從糸盈聲讀若聽或從呈作絰是其例也

宋公子何字弗父

昭七年
左傳

何讀爲枷

音弗

讀爲拂

音拂

說文拂擊禾連枷也枷拂

也釋名枷加也加杖於柄頭以搗穗而出其穀也方

言僉自關而西謂之拂齊楚江淮之間謂之棰

音柔

拂之言拂也擊物之名也說文拂過擊也擊謂之拂

故擊禾者謂之拂拂桴聲相近故又謂之桴耳古音

何與枷通故枷通作何陳風澤陂篇有蒲與荷樊光

爾雅注引作有蒲與茄

見澤陂正是其例也。柳之為義茄音加。何猶加

之為柯也。爾雅陵莫大於加。齊語耒耜柳芟。漢書王陵即春秋成十七年之柯陵。

莽傳子之北巡必躬載梯。韋顏注與說文同。

吾瑕呂飴甥字子金

倍十五
年左傳

飴讀為枹說文枹

與耜同

耒耜也。從木台聲。鉤或從金

徐鍇曰。即耜刃也。音弋之反。弋之反。正與飴同音。故

偕飴為枹。鄭注考工記匠人曰。古者耜一金。兩人併

發之。今之耜歧頭兩金。象古之耦也。又注月令曰。耜

耒耜之金也。三倉曰。耜耒頭鐵也。

見莊子天
下篇釋文

枹為耒

頭金。故其字或從金作鉤。故瑕呂枹甥字子金。

魯季公彌字鉏

襄二十三年左傳

齊犁彌字且

單行本史記齊世家索隱

且卽鉏之假借也彌讀爲璽玉篇璽

心支切

青州人呼

鉏也說文鉏立璽所也璽鉏皆所以芟夷者故名璽

字鉏。

魯商瞿字子木

仲尼弟子傳

瞿讀爲權釋名云齊魯謂四齒杞爲權

具俱切

說文云

杞收麥器也蓋以木爲之故字從木權之言俱也齒

兩兩俱列也說文明左右視也讀若拘又讀若良土

瞿瞿栗

果朱切

菜雷也菜

互瓜切

兩刃雷也目兩視謂之

眊兩刃雷謂之栗四齒杞謂之權聲義皆相近也淮

南說林篇木大者相權山高者基扶言其相基之四布也爾雅四達謂之衢義亦相近

陳金父字仲爾

唐書宰相世系表

爾讀爲櫛。邇初六繫于金柅。釋文柅說文作櫛云。絡絲跌也。讀若呢。子夏作鐏。蓋絡絲之櫛。古或以金爲之。故易曰繫于金櫛。而其字或從金作鐏。玉篇銚。古文櫛。金部字亦從金。

附

號公鼓字石父

呂氏春秋當染篇注案鼓。周幽王時人杜春秋前。

鼓量名也。所容重一石。周語關石。鉢鈞。韋注曰。石今之斛也。史記滑稽傳臣飲一斗亦醉。一石亦醉。一石一斛也。續漢書百官志中二千石。奉月百八

十廣雅曰斛謂之鼓是鼓與石同也或以十二斛爲
鼓所容重十二石。曲禮獻米者操量鼓正義引何氏
隱義曰東海樂浪人呼容十二斛者爲鼓釋文引作
十二石案容十二石則其器甚大獻米者執之不便
當以廣雅斛謂之鼓爲是其器但容一石故小而易
操也家大人曰管子樞言篇云金鼓滿則人概之荀
子富國篇云瓜桃棗李一本數以盆鼓據左傳考工
記金受六斗四升盆受一斛二斗八升皆與一斛之
鼓不甚相遠故或並言金鼓或並言盆鼓也

晉楊會我字伯石

昭二十八
年左傳

王氏南陔曰。廣雅。石。秬也。說文。秬。百二十斤也。稻一
 秬。爲粟二十斗。禾黍一秬。爲粟十六斗。大半斗。漢書
 食貨志云。今一夫挾五口。治田百畝。歲收畝一石半。
 爲粟百五十石。除十一之稅十五石。餘百三十五石。
 食人月一石半。引之案管子國蓄篇。中歲之穀。糶石
 十錢。大男食四石。月有四十之籍。大女食三石。月有
 三十之籍。吾子食二石。月有二十之籍。

楚囊瓦字子常

昭二十三
年左傳

常讀爲甕

丁浪切

常甕皆以尚爲聲。故俗常爲甕。說文

甕。大盆也。從瓦。尚聲。廣雅。甕。甕也。

甕。胡監切。說文急
作鑑云大盆也。

就篇曰甌甕甌甕甕虛或曰以甌甕井也漢書游
俠傳觀瓶之居居井之肩一旦重甕爲甕所輻顏注
曰甕井以甌爲甕者也大盆謂之甕井甕亦謂之甕
皆瓦質也

齊步叔乘字子車

仲尼弟子傳

齊公孫捷字子車

昭八年左傳注

子淵捷字子車

二十六年傳

取疾驅之義說文走疾也走與捷同

齊北郭佐字子車

襄二十八年左傳

少儀乘貳車則式佐車則否鄭注曰戎獵之副曰佐
案檀弓魯莊公及宋人戰于乘邱縣責父御卜國爲

右馬驚敗績。公隊佐車授綬。此戎車之副也。夏官田僕掌馭田路以田以鄙。掌佐車之政。此獵車之副也。

附

齊田廣字駢

莊子天下篇釋文引慎子曰田駢名廣

駢讀為華。春官車僕掌廣車之華。華車之華。

釋文華薄經反

又薄鄭注云皆兵車也。廣車橫陳之車也。華猶屏也。

所用對敵自蔽隱之車也。春秋傳曰其君之戎分為

二廣。則諸侯戎路廣車也。孫子八陳有華車之陳。故

書華作平。杜子春云平車當為駢車。

釋文駢薄經反

案廣與

華皆兵車之名。故名廣字華。

齊梁邱據字子猶

昭二十一年左傳

據讀爲遽猶讀爲輶遽也輶也皆車之輕且速者也爾雅遽傳也僖三十三年左傳且使遽告於鄭吳語徒遽來告孤日夜相繼杜韋注竝云遽傳車也昭二年左傳子產懼弗及乘遽而至則遽爲車之最速者遽者疾也車輕行疾故謂之遽也爾雅輶輕也說文輶輕車也秦風駟鐵篇輶車鸞鑣毛傳與爾雅同

魯曾參字子與

仲尼弟子傳

參讀爲駟秦風小戎篇箋云駟兩駢也桓三年左傳正義云初駕馬者以二馬夾轅而已又駕一馬與兩服爲參故謂之駟又駕一馬乃謂之駟故說文云駟

駕三馬也。駟一乘也。總舉一乘則謂之駟。指其駢馬則謂之驂。詩稱兩驂如舞。二馬皆稱驂。禮記稱說驂而賻之二馬亦稱驂。是木其初參遂以爲名也。名驂字子與者。駕馬所以引車也。

秦公子鍼字伯車

晉語

鍼讀爲鈞

玉篇其沾切。又敕淹切。

鍼鈞古字通。夏官射鳥氏注

并夾鍼筋具。釋文鍼其炎反。李其嚴反。沈云。或作鈞。是也。說文鈞膏車鐵鈞。

魯孔穿字子高

史記孔世家

穿車轂口金也。高讀爲膏。車行則膏轂之穿以利轉。

故穿字子膏也。先鄭考工記注云：賢大穿也。軹小穿也。後鄭云：大穿皆謂金也。說文：鉗車轂口鐵也。史記田敬仲世家：孫膏棘軸，所以爲滑也。然而不能運，方策言必以膏之滑運穿之圓也。孟軻荀卿傳：炙轂過髡集解云：剗向別錄過字。作輶輶者，車之盛膏器也。索隱云：過爲潤轂之物。今人車旁懸小油瓶而置毛帚於其中，時出其油以潤轂口。大穿小穿皆潤之，謂之膏車，是矣。

秦公子繫字子顯

說文：繫，或馬字，云絆馬也。檀弓：子顯以致命於穆公。

鄭注云使者公子繫也。引盧植注云古者名字相配。

顯當作鞬。呼見案鞬說文作鞬云著腋鞬也。左傳釋文正義

並引作鞬鞬經也。橫經其腹下也。義與說文相校皮也。

近惟僖二十八年左傳鞬鞞鞞杜預注云杜背曰

鞞與說文釋名異義。史記禮書絞鞞徐廣用說文小

司馬用釋名而玉篇廣韻則皆用杜注不復存古義

矣。

齊宗樓字子陽。哀十一年左傳

樓讀為鏤。陽讀為錫。大雅韓奕篇鉤膺鏤錫傳曰鏤

錫有金鏤其錫也。箋曰眉上曰錫刻金飾之。今當盧

也春官巾車。玉路錫鄭注曰錫馬面當盧刻金爲之所謂鏤錫也

朱樂轡字子蕩

襄六年左傳

蕩讀爲鞅廣韻鞅

與章切

馬額上鞅鞅

則古切

勒名說文

頭絡銜也

案鞅勒之杜額上者也疑卽詩鈎膺鏤錫之錫

字或從革耳廣韻錫

與章切

馬額飾聲義正同轡與勒

相近故名轡字鞅鞅與蕩聲相近故通作蕩鞅之爲

蕩猶陽谷之爲湯谷也

史記五帝紀索隱

鄭然丹字子革

昭十三年左傳

古者用革多以丹染之若齊風載驅之朱鞅

毛傳云諸侯之

步張三族。

朱張字子弓

論語微子篇釋文引王弼注

說文張施弓弦也。

鄭豐卷字子張

襄三十九年左傳

卷讀爲卷。漢書司馬遷傳張空卷。

音邱權切。又音卷。

冒白刃

李奇注曰卷弩弓也。字或作卷。文選閒居賦注引張

晏曰連弩三十卷共一臂

卷音

或曰卷讀爲確

巨員切

說文確弓曲也。

楚令尹舍字子發

荀子彊國篇

發讀爲拔。古字發與拔通

鄭注檀弓曰公叔文子名拔或作發秦風駟

鐵篇舍拔則獲傳云拔矢末也箋云拔括也緇衣引大甲曰若虞機張往省括于度則釋釋亦舍也或曰發發矢也與舍同義

楚公子比字子干

昭十三年左傳

牧誓比爾干傳云干楯也正義曰竝以扞敵故言比

齊弦章字子旗

呂氏春秋勿躬篇作弦章韓非子外儲說篇作弦商商章古字通新序雜事篇

作弦甯章字之誤也管子小匡篇作子旗蓋弦章之字

謂旄旗之采章也月令曰命婦官染采以爲旗章小雅六月篇曰織文鳥章大雅韓奕篇曰淑旂綬章郊特牲曰旂十有二旒龍章而設日月爾雅曰因章曰

旃皆謂旌旗。旗章所以立表以示眾人。因而凡物之表皆謂之章。亦謂之旗。閔二年左傳。衣身之章也。佩衷之旗也。杜注云。旗表也。所以表明其中心。昭元年傳。舉之表旗而箬之制令。

鄉公子偃字子游

威六年左傳注

駟偃字子游

昭十六年傳注

晉荀偃

字伯游

襄十三年傳

籍偃字游

晉語注

吳言偃字子游

仲尼弟子傳

顏成偃字子游

莊子齊物論篇

偃讀爲於。說文於旌旂之游。於蹇之兒。讀若偃。古人

名偃字子游。案於本字也。偃偕字也。古人名字多假

偕。必讀本字而其義始明。

齊欒施字子旗

昭十年左傳

鄭豐施字子旗

昭十六年傳注

魯丕馬

施字子旗

仲尼弟子傳旗論語述而篇通作期

說文施旗兒齊欒施字子旗知施者旗也旖旗旖施

也。

楚鬬成然字子旗

昭十三年左傳

成然旃也疾言之爲旃徐言之爲成然成然之合爲

旃猶終葵之合爲椎也

說文椎齊謂之終葵

成與旃終與椎今

韵俱不同位而呼旃爲成然呼椎爲終葵者古音寬

緩依類相從非若後世之拘牽破碎也左傳宋元公

大子欒史記宋世家作頭曼董趙廣川書跋云孫炎

以綠爲頭曼合聲。史記貨殖傳范子計然。徐廣注云計然者范蠡之師也。名研。研亦計然之合聲。計與研頭與樂俱不同位也。春官司常掌九旗之物名。通帛爲旛。旛與旂同。爾雅曰。因章曰旂。說文旂。旗曲柄也。所以旂表土厭。

榮旂字子祺

仲尼弟子傳

祺讀爲旗。唐書禮樂志正作榮子旗。春官司常掌九旗之物名。交龍爲旂。爾雅曰。有鈴曰旂。

楚文之無畏字子舟

文十年左傳

無語詞。畏讀曰根。舟上柱也。釋名曰。船又曰舟。言周

流也其前立柱曰櫂

俗作桅說文無桅字

櫂魏也巍巍高貌也

周王札子字捷

宣十五年左氏經傳杜注曰王札子王子札也蓋經文倒札字

捷讀曰楫船櫂也釋名曰船杜旁撥水曰櫂又謂之

杓形似札也又謂之楫楫捷也撥水使舟捷疾也是

楫與捷聲相近

玉篇楫才立子葉二切捷疾葉切

故楫通作捷

楚成得臣字子玉

僖二十三年二十七年左傳

春秋定九年夏得寶玉大弓左傳曰陽虎歸寶玉大

弓書曰得器用也凡獲器用曰得案器用之美者莫

如王故名得字玉或曰得讀爲德古字德與得通

易

象傳君子以順德釋文姚本德作得論語微子篇何德之衰漢石經德作得

玉藻曰君子

無故玉不去身。君子於玉比德焉。聘義曰。君子貴玉而賤珉者何也。夫管者。君子比德於玉焉。管子水地篇。夫玉之所貴者。九德出焉。

齊陳瓘字子玉

哀十五年左傳

昭十七年左傳瓘

工玩切

瓘玉璣杜注云璣珪也。玉

爵也。案珪乃玉璣之柄。

見考工記玉人注

既言玉璣則柄杜

其中不得更言作柄之珪矣。且珪與璣一物也。璣又一物也。瓘玉璣之間何得雜之以瓘乎。遍考書傳亦無謂珪爲瓘者。杜說非也。今案瓘與玉璣對文則瓘乃玉石之名。說文瓘玉也。引春秋傳曰瓘璣。然則

瑾玕者以瑾爲玕猶玉璫以玉爲璫也。竊疑瑾爲琕之或體。說文琕石之美者。從玉昆聲。或從貫作璫。禹貢貢琕琕馬融本。見釋文引韋昭音貫。蓋漢書音義。正與瑾同音。璫卽璫也。瑾玕猶言琕爵耳。王肅注禹貢曰琕琕美石次。玉者也。故陳瑾字子玉矣。說文誤分璫璫爲二字耳。

衛蘧瑗字伯玉

襄二十六年左傳

爾雅好倍肉謂之瑗。說文瑗大孔壁人君上除陞以相引。

楚觀從字子玉

昭十三年左傳

從讀爲琮切

才宗切

聲相近而假借也說文琮瑞玉大八

寸似車釭

附

魏翟觸字璜

說苑臣術篇

大戴禮記保傅篇下車以佩玉爲度。上有蔥衡下有雙璜。衡牙玼珠以納其閒。玉藻佩玉有衡牙。鄭注云居中央以前後觸也正義曰。凡佩玉必上繫於衡下垂二道穿以蠙珠。下端前後以縣於璜。中央下端縣以衡牙。動則衡牙前後觸璜而爲聲。

石作蜀字子明

仲尼弟子傳案廣韻以石作爲複姓

蜀讀爲燭。韓子外儲說篇曰。舉燭者尚明也。

齊陳書字子占

昭十九年左傳

說文占視兆問也。金縢乃卜三龜。一習吉。啓籒見書

乃井是吉。鄭注云三龜占書亦合於吉。

正義引

正義云

周禮大卜其經兆之體皆百有二十。其頌皆千有二百。占兆之書則彼頌是也。呂刑明啓刑書晉占亦謂明問刑書相與視之也。

鄭石制字子服

宣十二年左傳

制讀爲製。說文製裁衣也。定九年左傳暫櫛而衣狸製。服虔注云狸製狸裘也。

見幽風七月正義

哀二十七年傳

陳成子衣製杖戈杜預注云製雨衣也。說苑復恩篇

吳赤市使於智氏假道於衛甯文子具紵綸三百製將以送之。史記叔孫通傳通儒服漢王憎之迺變其服服短衣楚製則製乃衣服之通稱也。

智仲孫它字子服

名語

宅讀爲柅說文柅裾也裾衣袂也。

紀裂繻字子帛

隱二年左氏經傳

內則男鞶革女鞶絲鄭注云鞶小囊盛帨巾者有飾

緣之則是鞶裂與

此讀桓二年左傳之鞶屬爲鞶裂

詩云烝帶如厲

小雅都人士箋云厲當作裂。

紀子帛名裂繻字雖今異意實同也

案鞶囊有飾謂之裂書傳無文詩毛傳及左傳服注

竝云厲帶之垂者無煩讀厲為裂而以為鞶囊之飾也裂繻蓋謂裂帛邊以為符信漢書終軍傳關吏子軍繻張晏注云繻符也書帛裂而分之若券契矣蘇林注云繻帛邊也舊關出入皆以傳傳煩因裂繻頭合以為符信也紀子帛名裂繻則裂繻為符春秋時已有之不始於漢世矣。

陳公子佗字五父莊二十二
年左傳

佗讀為純召南羔羊篇素絲五純素絲五絨素絲五總毛傳曰純數也絨縫也案訓絨為縫本於爾雅尋
釋三章文義實不當如爾雅所總數也案純絨總皆數也五絲為純四純為絨

四絨爲總五純二十五絲五絨一百絲五總四百絲
故詩先言五純次言五絨次言五總也西京雜記載
鄒長倩遺公孫宏書曰五絲爲緝倍緝爲升倍升爲
絨絨今本調作絨。增雅引此正作絨。倍絨爲紀倍紀爲纓倍纓爲縷
纓與總通。國風九罭釋文曰纓字又作總。然則絨者二十絲總者八
十絲也。孟康注漢書王莽傳曰纓八十縷也。說文作縷云布之八十縷爲纓。正與倍紀爲縷之數
相純之數。今失其傳。案釋文曰純本又作侔。春秋時
陳公子佗字五父。則知五絲爲純。卽西京雜記之緝
矣。

附

周王子叔繡字鎔。漢書地理志注引世本云鎔叔繡文王子。案繡名也。鎔字也。古人連

言名字者皆先字後名故稱諸叔繡名與伯仲叔季並稱者猶夏后禹之爲伯禹周公旦之爲叔且也

王氏南陔曰說文繡五采備也考工記五采備謂之繡鎔金涂

也詩大雅韓奕篇簟茀鎔衡毛傳云鎔衡文衡也孟子云所以不願人之文繡也是鎔與繡有文章交鎔之義左思蜀都賦云疆理綺鎔引之案秦策云秦韓之地形相鎔如繡是繡固文章相鎔者也故地形之相鎔者取喻於繡焉

鄭公子論字子印

春秋世族譜

論讀爲綸

漢書古今人表鄭成公綸顏注曰綸音工頑反左傳作論音工頓反綸印綬

也說文綸糾青絲綬也印執政所持信也法言孝至

篇五兩之綸。半通之銅李軌注云綸如青絲繩也。五兩之綸。半通之銅皆有秩。齊夫之印。綬後漢書仲長統傳無半通青綸之命。李賢注引十三州志曰。有秩齊夫得假半章印。綬紫墨子號令篇云。有能得若捕告者。以其所守邑大小封之。守還授其印。又云。候三發三信。許之二百石之吏。守珮授之印。史記蔡澤傳懷黃金之印。結紫綬於要。蓋官吏之有印綬。由來已久。鄭公子綸字子印。則春秋時已有佩印綬者。不始於漢矣。

齊公子于字且

哀六年左傳。南郭且于。杜注。且于。齊公子鉏也。案且與鉏道鉏其字也。于其名。

也。友十一年傳正義曰。古人連言名字者。皆先字後名。故稱且于。

于讀為芋。且讀為菹。

釋文且子餘反聲與菹相近。

說文菹酢菜也。

士衷禮。駢豆兩。其實葵菹芋。虞翻鄭注云。齊人或名全菹為芋。公子齊人。故取以為名字與。

顏祖字襄

仲尼弟子傳

祖讀為菹。

祖菹皆從且得聲。

襄讀為釃。

釃從釃聲釃從襄聲。

聲近假借。

也。廣雅釃

音攘。

菹也。菹與菹同。說文釃菜也。廣韻云。

釃菜為菹。菹亦與菹同。釃之言釃也。鄭注內則說菹。

云釃菜而柔之以醢。殺腥肉及其氣。釋名云菹阻也。

生釃之。遂使阻於寒溫之間。不得爛也。或曰祖讀為。

坦壤讀爲壤方言。坻坦

郭音場也。音傷。

梁宋之間虻

蟬鼠之場謂之坻。蟬場謂之坦。郭注云。蟬蟬蟾也。

其糞名坦。隱三年。穀梁傳疏。壤徐邈音傷。麋信云。齊

魯之間謂鑿地出土鼠作穴出土皆曰壤。壤卽場也。

鄭公子平字子豐

春秋世族譜

平。疑當作年。隸書年字或作丰。

見北海相景君銘孔龢碑

與平相

似而誤名年字豐。取豐年之義也。齊僖公之母弟夷

仲年。亦以年爲名。

秦白丙字乙

僖三十二年左傳作白乙。三十三年傳作白乙。丙蓋白姓也。乙字也。丙名也。稱白乙

丙者。文十一年傳正義曰。古人連言名字者皆先字後名。

丙火也剛日也。乙木也柔日也。各丙字乙者。取火生於木。又剛柔相濟也。

鄭后癸字甲父

春秋世族譜以后甲父后癸爲一人。元和姓纂曰。鄭后癸字甲父。

癸水也柔日也。甲木也剛日也。各癸字甲者。取水生於水。又剛柔相濟也。

楚公子王夫字子辛

襄五年左傳

王。水也剛日也辛。金也柔日也。名王字辛者。取水生於金。又剛柔相濟也。匡謬正俗曰。襄五年楚公子王夫字子辛。今之學者以其字子辛。遂改王夫爲王夫。同是日辰名字。相配也。按楚有公子午字子庚。庚是

十幹。午是十二支法有相配。或者此人以庚午歲若
庚午日生。故名庚字子午耳。辛壬同是十幹。若以辛
生則不得名壬。若以壬生則不得字辛。此與庚午不
相類。固當依本字讀爲王夫。不宜穿鑿改易爲壬也。
以上匡案顏說非也。公子午字子庚。自以幹支相配。
謬正俗公子王夫字子辛。自以十幹相配。二者意義各殊。不
得以彼例此也。若謂同是十幹。不宜相配。則何以秦
之白丙字。卽之石癸字。甲父衛之夏戊字。丁乎。十
幹相配。義取五行相生。非謂其以此日生也。又何嫌
於名王字辛乎。古人名字相應。若如顏說作王。則與

辛不相應豈古人名字之例乎。

衛夏戊字丁

哀十一年二十五年左傳

戊土也剛日也丁火也柔日也各戊字丁者取土生於火又剛柔相濟也。

楚公子午字子庚

襄十一年左傳

小雅吉日篇吉日庚午既差我馬傳云外事以剛日

鄭邛癸字子桺

昭十六年左傳注

桺讀爲酉說文桺從木而聲而古文酉是酉桺聲相近故借桺爲酉也酉之爲桺猶酉之爲甌也漢書律厯志曰甌孰於酉訓酉爲甌也甌亦以而爲聲

錢氏廣伯曰。吳志虞翻傳注翻說堯典桺谷曰。古大
篆耶字讀當爲桺。古桺耶同字。案堯典以耶爲桺。此
以桺爲耶。

魯顏幸字子桺

仲尼弟子傳

錢氏廣伯曰。幸乃辛之譌。桺亦當讀爲耶。引之案明
金蟠本家語正作顏辛。洪邁隸續釋魯峻石壁殘畫
象顏子桺云。考孔子家語。史記七十子傳。顏子桺名
辛。則所見弟子傳辛字尚不誤。

附魯泄桺字子庚

孟子告子篇子。桺子思爲臣。趙注曰。子桺泄桺也。說苑雜言篇子。桺作子

庚。

錢氏廣伯曰。柳亦當讀爲耶。引之案。耶。古文酉淮南
時則篇云仲秋之月招搖指酉。其日庚午。故名酉字
庚。

楚圖空申字子面

僖二十六
年左傳

公子申字子面

哀六
年魯會

申字子面

經典釋
文敘錄

淮南時則篇。孟秋之月。招搖指申。其位西方。文十八
年左傳。齊懿公游于申池。杜注云。齊南城西門名申
門。水經淄水注云。系水出齊城西南。東北流。直申門
西。京相璠杜預並言申門卽齊城南。疑當作
南城面而弟
一門矣。爲申。池然則面謂之申。古之恆言也。名宐申

者謂定直申方也。定申猶言利而兩耳。

楚公子辰字子商

成十年左傳

昭元年左傳管高辛氏有二子。伯曰閼伯。季曰實沈。居于曠林。不相能也。日尋干戈。以相征討。后帝不臧。遷閼伯于商邱。主辰商人是因故辰爲商星。杜注曰。商邱宋地。主辰主祀辰星辰大火也。商人湯先相土封商邱。因閼伯故國祀辰星。

鄭公子宋字子公

宣四年左傳

宋國公爵。

晉女齊字叔侯

襄二十九年左傳

齊國侯爵。

陳公子楚字子朱

元和姓纂。蓋出世本。

鄭游楚字子南

昭元年左傳

魯林楚字南

定八年左傳林楚公羊作臨南。臨與

林通南其字也。子叔文楚字仲南。字之誤。春秋時。燭之武佚之。狐。文之無畏。耿之。不比皆以之爲語詞。

商頌殷武篇。維女荊楚居國南鄉。

衛公子。楚字南。

一名荊。春秋世族譜以公子荊南楚爲一人。案南楚見昭二十年左傳。

楚名也。南字也。古人連言名字者。皆先字後名。故稱南楚。楚又名荊耳。襄二十九年傳吳公子札適衛說遷瑗。史狗史鰭公子荊公孫發公子朝皆人名。

秦秦祖字子南

仲尼弟子傳

祖讀爲楚聲近假借也。荆楚之楚通作祖。猶詩衣裳

楚楚之楚。說文引作𣎵也。祖𣎵皆以且爲聲。秦祖字子南。猶

游楚字子南也。或曰祖讀爲沮。漢書地理志漢中郡

房陵縣東山沮水所出。東至郢入江。字或作𣎵。定四

年左傳楚子涉𣎵濟。入于雲中。哀六年傳江漢𣎵

漳楚之𣎵也。杜注云。四水杜楚界。故字子南。

衛公子郢字子南。哀二年左傳

說文郢。故楚都。杜南郡江陵北十里。

陳夏徵舒字子南。成二年左傳楚公子追舒字子南。襄

十二年左傳氏經傳

徵古懲字。魯頌閟宮篇荆舒是懲。史記建元以來侯
 者年表作荆舒是徵。懲舒追舒蓋以時事名之也。定八
 年左傳苦越生子。將待事而名。文十二年左傳羣舒
 之陽州之役獲焉。名之曰陽州。今廬江南有舒城
 叛楚。杜注云羣舒舒庸舒鳩之屬。舒城西南有龍舒。
 舒城西南有龍舒。

陳公子少西字子夏。宣十一年左傳即鄭公孫夏字子

而。襄十年傳注

而夏國名也。逸周書史記篇。晉者西夏性仁。非兵城
 郭不脩。武士無位。惠而好賞。屈而無以賞。唐氏伐之
 城郭不守。武士不用。而夏以亾。或曰大夏山名也。呂

氏春秋古樂篇。管者伶倫自大夏之西。乃之阮隰之陰。取竹於嶰谿之谷。高注云。大夏西方之山。本味篇和之美者。大夏之鹽。注云。大夏澤名。或曰。山名。杜西北。

魯苦越字夷

定七年八年左傳

鄧靈公夷字子蠻

成二年左傳

一字子貉

昭二十八年傳

齊東郭牙

呂氏春秋重言篇

字垂

說苑權謀篇

牙讀爲圉

牙古讀如吾與圉聲近而通。

兩雅圉垂也。孫炎云。圉國

之四垂也。

大雅桑柔正義

晉師曠字子野

昭八年左傳

小雅何草不黃篇匪兕匪虎率彼曠野。毛傳云曠空也。曠或作壙。孟子離婁篇民之歸仁也猶水之就下獸之走壙也。趙注云獸樂壙野。

附

楚屈平字原

史記屈原傳
楚辭離騷注

爾雅廣平曰原。昭元年公羊傳上平曰原。

附

趙李緹字牧

秦策

緹當爲楸。楸古藪字。禮運鳳皇麒麟皆杜郊。楸鄭注云楸聚草也。釋文楸素口反。徐摠會反。澤也。本或作藪。案徐音摠。會反。則所見本楸誤作藪可知。然則秦策亦是楸。藪爲楸傳寫者又誤爲緹耳。名藪字牧者

天官大宰九職四曰藪牧。藪牧者蕃鳥獸。鄭注云澤無水曰藪。牧牧田。杜遠郊皆畜牧之地。

楚沈諸梁字子高

哀十六年左傳

廣韻楚文王庶子有食邑諸梁者諸都古字通

禹貢孟豬

夏官職萬氏作望諸。史記夏本紀作明都。諸梁蓋卽都梁也。史記建元以

來王子侯者年表都梁侯長沙定王子。漢書地理志

零陵郡都梁侯國。水經資水出零陵都梁縣路山酈

道元注云都梁縣漢武帝元朔五年以封長沙定王

子敬侯遂之邑也。縣而有小山。山上有渟水。其中悉

生蘭草。俗謂蘭爲都梁。山因以號。縣受名焉。案梁者

橫豆之稱故山多以梁爲名。

若書治梁及岐詩奕奕梁山爾雅梁山晉望梁

山之犀象孟子去邪臨梁山齊策畢季梁父山海經梁山高梁山水經注嵩梁山之類不可枚舉都

梁山亦是也蘭草本因所生之山而得名非山因所

生之草而得名也其名都梁者或取水淳山上之義

說文澹水所停也檀弓鄭注云南方謂都爲豬都梁

者豬梁也都梁山名故字子高。

魯公孫有陁字山

爾雅山絕陁郭注云連山中斷絕說文陁山絕坎也

陁之言斷也廣雅陁

古定切

隔也隔絕不相連之稱也

凡兩山中斷以成隘道者皆謂之陁故述征記云太

行山。自河內北至幽州凡有八陁。

見元和郡縣志

或曰山阪

謂之陁。廣雅陁阪也。孟子盡心篇山徑之蹊閒介然

趙注云山徑山之傾徑與陁通傾亦阪也。

廣雅嶺阪也。法

言吾子篇作山陁之蹊。

宋公子段字子石

襄二十一年左傳

鄭公孫段字子石印段字子

石

並襄二十七年傳

段讀爲鍛字或作鍛。大雅公劉篇取厲取鍛傳云鍛

石也。箋云鍛石所以爲鍛質也。取鍛厲斧斤之石可

以利器用。說文鍛厲石也。引春秋傳曰鄭公孫碣字

子石。唐元度九經字樣碣音霞見春秋。案陸德明毛

詩音義。鍤。本又作殿。下。亂反。引說文云。殿厲石。又引字林。大喚反。廣雅。鍤。厲也。曹憲音都玩反。則殿之音段相承自古。唐以前未聞有作殿而音霞者也。殿從石段聲。故鄭公孫殿。左傳但作段。則所謂見春秋者亦必作殿而不作殿音段而不音霞矣。玉篇。殿都亂切。厲石也。殿下加切。磻。殿高下也。殿。殿字體各異音義俱別。又安可讀殿厲之殿爲磻殿之殿乎。徐鍤徐鉉音說文。殿字爲平加切。蓋沿唐元度之誤而不知耳。廣韻下平聲九麻。殿胡加切。厲石也。引春秋傳曰。鄭公孫殿字子石。亦沿俗本說文之誤。

楚公孫龍字子石

仲尼弟子傳

龍讀爲龔龔亦厲石也說文龔驪也從石龍聲晉語

趙文子爲室斲其椽而龔之賈逵注云龔磨也見枚乘諫

吳王書注荀子性惡篇鈍金必待龔厲然後利楊注云龔

厲皆磨也。

魯公子堅字石元和姓纂魯僖公生其叔堅堅生惠叔子叔爲公石氏案石蓋堅之字公石者

公子石也。猶公子衍公子爲之稱公衍公爲。

呂氏春秋誠廉篇石可破也而不可奪堅。

齊公孫青字子石昭二十一年左傳

齊風著篇充耳以青乎而毛傳云青青玉也正義云

考工記玉人云天子用全則公侯以下皆玉石雜言

青玉亦謂玉石雜也。青爲玉石雜。故字子石。或曰青
空青也。石之類也。秋官職金。掌凡金玉錫石丹青之
戒。令鄭注云。青空青也。管子小稱篇。丹青杜山民知
而取之。揆度篇。秦明山之會青。神農本草。玉石部有
空青。會青。白青。扁青。膚青。

魯公斂陽字處父

定八年左傳

僖二十八年穀梁傳。山南爲陽。大雅皇矣篇。居岐之
陽。是其義也。或曰陽溫也。爾雅七月箋管子山合篇。夏處
陰冬處陽。謂夏就寒冬就溫也。

宋鴻澤字子山

咸十五年左傳

齊公子湫字子淵

廣韻下平聲一先及古
今姓氏書辨證引世本

說文湫

子了切又
卽由切

安定朝那湫漢書郊祀志湫

淵祠朝那蘇林曰湫淵杜安定朝那縣方四十里停

水不流冬夏不增不減不生草木顏師古曰此水今

在涇州界清徹可罍不容穢濁或誼汚輒興雲雨紫

湫者水清之貌淮南原道篇湫漻寂冥高注云湫漻

清靜也淵水清徹故謂之湫矣。

魯顏回字子淵

仲尼弟
子傳

說文淵回水也回淵水也

又部夏
字注

列子黃帝篇鯢桓

之潘爲淵止水之潘爲淵流水之潘爲淵濫水之潘

爲淵沃水之潘爲淵。汎水之潘爲淵。離水之潘爲淵。
汧水之潘爲淵。肥水之潘爲淵。殷敬順釋。文云潘本
作蟠。蟠。洄流也。洄與同荀子致士篇。水渙則回。釋名說
弓云。簫附之閒曰淵。淵。宛也。言宛曲也。回。水爲淵。亦
水之宛曲盤回也。

鄭公孫闕字子都

隱十一年左傳

繼水謂之闕。聚水謂之都。說文。闕。遮攤也。闕與遏通。
廣雅。都。歇也。水經文。水注曰。水澤所歇謂之都。亦曰
滸。漢書召信臣傳。開通溝瀆。起水門。提闕。顏師古注
云。闕。所以壅水。提闕。卽隄堰也。

爾雅。隄。謂之梁。鄭仲師注。天官。敝人云。梁。

水偃也。偃

與堰同。又謂之竭。

文選沈休文三月三日率兩成篇詩注云堰築土以壅水也。一作竭音竭魏志劉馥傳興治芍陂及茹陂七門吳塘諸竭以溉稻田竭之言遏也遏之

則歌而成都矣禹貢熒播既豬

豬與豬同

傳云熒澤播水

已成遏豬正義云言豔遏而為豬史記夏本紀作熒

播既都

禮弓洿其宮而豬焉鄭注云豬都也南方謂都為豬

地官稻人以豬畜

水鄭注引春秋傳規偃豬

集二十五

云偃豬者畜流

水之陂也案偃豬即遏豬偃遏一聲之轉耳

滅字子蒲

禮

王氏南陔曰滅即莫之偕字說文莫字說引周書曰布重莫席織蒲席也讀與蔑同蒲子可以為平席

今周書作敷重蔑席馬融云蔑纖弱釋文王肅云纖弱

萃席孔疏蔑字是漢時通用古文蓋作莫莫是纖弱弱

為蒲子故名莫字蒲

秦公孫枝字子桑僖九年十一
年左傳晉語

楚鬬椒字伯勞僖二十八年左傳一字子越文九年十
六年傳周劉狄

昭二十
六年傳字伯蚩昭二十
六年傳

芬芬古字通說文芬艸初生其香分布也或從艸作

芬又曰撈香木也荀子禮論椒蘭芬苾所以養鼻也

故名椒字伯芬越謂香之發越也韋昭晉語注曰越

發聞也宋玉高唐賦曰越香掩掩司馬相如上林賦

曰。秋香發越。是也。故又字子越。狄當為秋。字形相似。

而誤也。

中山經。大山有草。其葉狀如萩。而赤。華韓子。十過篇。萩蒿。楷楚。今本萩。誤作萩。趙策。萩蒿。

苦楚。今本

秋。誤作狄。

秋者。椒之假借。古聲。椒與秋同。故椒或作

萩。

文九年。左氏春秋經。楚子使椒來聘。穀梁。或作萩。萩。作萩。九年。公羊釋文。亦曰。椒。一本作萩。

或作萩。

襄二十六年。左傳。椒。鳴楚。語作。誤。鳴。椒。舉。古今人表。作。秋。舉。昭三年。傳。子服。椒。十三年。傳。子服。秋。又

作秋也。劉秋字伯益。與闕椒字伯勞。同。勞。益。皆芬之

假借也。闕伯勞之子。為益黃。

見說苑善說篇。

益。即勞也。以其

父字為氏。

鄭公孫黃字子蟠。

襄九年左傳注。

說文。黃。毒蟲也。

黃與蟠。居天。

毒蟲也。

一徐本皆云。蟠。蟲也。案說文。蟠。

螭螭蠆蠆六字連文則螭爲毒蟲矣。蟲也之上本有毒字。寫者脫去耳。蕭該漢書朱博傳音義引呂靖韻集云螭毒蟲也。玉篇與韻集同並本說文。案螭卽蠆也。以其尾之夭矯

上曲故謂之螭。鄭公孫蠆字子螭。齊公孫蠆字子尾其義一也。禹貢厥草惟夭。厥木惟喬。說文云夭屈也。喬高而曲也。爾雅釋木句如羽喬。上句曰喬。小枝上繚爲喬。釋獸人曰喬。郭璞注句如羽喬曰樹枝曲卷似鳥毛羽。注小枝上繚爲喬曰謂細枝皆翹繚上向。注人曰喬曰頻伸夭。喬犬人賦低昂夭。螭以倨傲爲詘折。隆竊踞以連卷。喬喬螭聲近而義同。小雅都人十篇卷髮如蠆。箋云蠆螭蟲也。尾末捷然似婦人髮。

末曲上卷然是其義矣

齊公孫薑字子尾

昭三年左傳

魯公子奚斯字子魚

閔二年左傳

奚讀爲鮭聲近假借也

鮭廣韻古攜苦圭戶佳三切音皆與奚相近鮭之爲奚猶

鞋之爲

斯語詞北山經敦蕤之水其中多赤鮭郭注

云今名鮭鮭爲鮭魚論衡言壽篇壽螯渥者杜魚則

爲鮭與縹鮓故人食鮭肝而外今人所謂河魴也或

曰奚斯馬名赭白馬賦注引劉邵趙都賦曰良馬則

飛兔奚斯常驥紫燕或作難斯藝文類聚獸部上引

太公六韜曰太公與散宜生得犬戎氏文馬毫毛朱

鼈曰如黃金名雞斯之乘是也字子魚者魚讀為圉
鄭眾注夏官校人曰養馬為圉

衛史鮑字魚襄二十九年左傳注論語衛靈公篇注

爾雅鰕鮒郭注云今泥鮒釋文引字林云似鱣鮒同俗作

鮒鮒短小

羊舌鮒字叔魚昭十三年左傳

廣雅鱣鮒也并九二并谷射鮒鄭注云所生無大魚

但多鮒魚耳言微小也見劉道吳都賦注今人謂之鯽魚

楚公子魴字子魚昭十七年左傳

爾雅魴魴郭注云江東呼魴魚為魴案今人猶謂之

鰮魚

衛祝鮀字子魚

鮀定四年左傳作佗假借字也論語雍也篇憲問篇正作鮀

爾雅鯨鮀郭注云今吹沙小魚體圓而有點文小雅

魚麗篇魚麗于罾鰮鮀釋文引舍人爾雅注云鯨后

鮀也陸機疏云鯨魚吹沙也似鯽魚狹小常張口吹

沙見初學記

梁鱸字叔魚

仲尼弟子傳集解云鱸一作鯽

衛風碩人篇鱸鮀發發陸機疏云鱸形似龍銳頭口

杜頷下背上腹下皆有甲縱廣四五尺今於盟津石

磧上釣取之大者千餘斤郭璞爾雅注云鱸大魚似

鱣而短鼻口杜領下體有邪行甲無鱗肉黃大者長二三丈今江東呼為黃魚

魯孔鯉字伯魚史記孔子世家

衛公子鱣字子鮮襄十四年左傳

士喪禮魚鱣鮒九釋文鮒市轉反劉市專反呂氏春秋本味篇魚

之美者洞庭之鱣高注曰鱣魚名鮮說文作𩚰云新

魚精也段云精即鱣字大雅韓奕篇烹鼈鮮魚

衛庾公𩚰字子魚襄十四年左傳孟子離婁篇作庾公之斯古音支歌相近斯即𩚰也

𩚰讀為𩚰說文𩚰則下切俗作𩚰𩚰魚也南方謂之𩚰北方

謂之𩚰一曰大魚為𩚰小魚為𩚰字或作𩚰天官庖

人其祭祀之好羞鄭注云若荊州之鱸魚青州之蟹
胥。

宋公子圍龜字子靈

成五年左傳

圍讀爲違同聲假借也

易繫辭傳範圍天地之化而

犯違管子形勢篇其功逆

天者天違之宋本違作圍表記不廢日月不違龜筮

違龜猶違卜也大誥曰王害不違卜是也靈猶神也

頤初九曰舍爾靈龜春官龜人天龜曰靈屬爾雅曰

龜俯者靈

魯展喜字乙

僖二十六年左傳展喜魯語作乙喜案喜

言名字者皆先字後名故稱乙喜猶晉解彘字張而

左傳稱張侯鄭公子駢字子驪而楚語稱駟駢也

乙當為乞說文乞

鳥轄切

元鳥也齊魯謂之乞

鳥又曰孔通也從乞從子乞謂子之候鳥也乞至而

得子嘉美之也古人名嘉字子孔案嘉者喜也

禮注

嘉樂也樂亦喜也祭義父母愛之嘉而不怠大戴禮

曾子大孝篇嘉作喜襄十九年左氏春秋公子嘉公

羊嘉作喜漢書古今人表鄭簡楚辭天問簡狄杜臺

公嘉史記十二諸侯表嘉作喜

譽何空元鳥致詒女何嘉王注云簡狄侍帝譽於臺

上有飛燕墮遺其卵喜而吞之因生契也是也古者

乞至而喜故名喜字乞

越文種字禽

呂氏春秋當染篇注

種讀為雛玉篇雛

充舉切

雀也廣韻雛小鳥飛也故字

禽。

晉韓籍字叔禽

元和姓纂

籍讀為鵠古音籍與鵠相近

詳見唐韻正

故鵠通作籍春

秋時晉有蒲城鵠居

成二年左傳正義引世本

戰國時秦有扁鵲

策莊子有瞿鵠子

齊物論篇

是古人多以鵠為名者也名

鵠故字禽

附

楚項籍字羽

史記項羽本紀

籍亦鵠之假借鵠鳥名也故字羽

原籍字亢

仲尼弟子傳原亢籍集解引家語曰名亢字

傳正義曰古人連言名字

者皆先字後名家語非也

籍亦鵲之假借字亢者爾雅曰亢鳥隴。

陳亢字子禽

論語學而篇鄭注

與原鵲字亢同義。

魯公子翬字羽父

隱四年左傳

鄭公孫揮字子羽

襄二十四年傳

翬本字也。揮借字也。爾雅鷹隼隴其飛也。翬舍人注

云翬翬其飛疾羽聲也。

小雅斯干篇正義

或曰翬雉名公子

翬字羽猶項鵲字羽也。爾雅說雉曰伊雉而南素質

五采皆備成章曰翬。郭注云言其毛色光鮮。

晉知營字子羽

晉語注

營讀爲營。小雅桑扈篇有營其羽毛。傳云營然有文。

章廣韻鶯鳥羽文也

晉卻豹字叔虎

晉語注

楚成熊字虎

昭十二年左氏經傳

成熊公羊作成然字之誤也

隸書熊字作熊 漢劉熊碑或

作熊

白石神君碑

然字作然

劉熊碑

或作然

鄒閭頌

字形相似

故謬白虎通義號篇黃帝有天下號曰有熊本皆誤

為自然正與此同

晉羊舌虎字叔熊

唐書宰相世系表

楚鬬穀於菟字子文

宣四年左傳若敖娶于邲生鬬伯比若敖卒從其母

畜於邠淫於邠子之女生子文焉邠夫人使棄諸夢中。虎乳之邠子田見之懼而歸夫人以告遂使收之

楚人謂乳穀

反奴口

謂虎於

音菟

音徒

故命之曰鬪

此字衍說

見經義述聞左傳

穀於菟案於菟虎文貌說文於菟黃牛虎文

讀若涂菟於聲義並同虎有文謂之於菟故牛有虎文謂之於菟云者言其文之於菟然也說文虎虎文也於菟與虎聲近而義同單言之謂之虎重言之謂之於菟

鄭罕虎字子皮

襄三十一年左傳

宋華貍字子皮

昭二十一年左傳

爾雅驅

丑于切

似狸。郭注云：今驅虎也大如狗。文如狸。

魯展獲字禽

魯語

說文獲猶所獲也。曲禮正義曰：爾雅云二足而羽謂之禽。四足而毛謂之獸。通而為語，獸亦可曰禽。故易曰：王用三驅。失前禽，則驅走者亦曰禽也。又周禮司馬職云：大獸公之，小禽私之。以此而言，則禽未必皆鳥也。禽名通獸者，以其小獸可擒，故得通名禽也。以上正義名獲字禽者，義取田獵得獸也。或曰：戰伐得囚俘曰獲，亦曰禽。禽，古擒字也。周易集解并襄二十四年左傳收禽挾囚杜注云禽獲也僖二十二年傳不禽

二毛卽槽弓之不獲二毛也

鄭公子駢字子駟

襄八年左傳

說文駢駢旁馬駟一乘也墨子七患篇云凶饑存乎國。人君徹駢駢謂但駕兩服不駕兩駢也秦風小戎正義云車駕四馬在內兩馬謂之服在外兩馬謂之駢春秋時鄭公子駢字子駟是有駢乃成駟也桓三年左傳正義云駢馬名駢者以駟馬有駢駢之容故少儀云駢駢翼翼案駢之言分也左右分列也駢之言妃也左右相配也駢之言駢也與兩服相芘倚也駢之言裴也與兩服爲輔弼也若取駢駢翼翼之義

則四牡駢駢小雅所詠不得兩駟獨謂之駢參

魯子家駟字駒

荀子大略篇注

說文羈馬絡頭也馬二歲曰駒案絡頭今謂之籠頭馬一歲則箸籠頭

萊正與子字子馬

荀子堯問篇注案正蓋氏也

駕馬所以引輿也

宋司馬耕字子牛

仲尼弟子傳

一名犁

論語顏淵篇注

魯冉耕字伯

牛

仲尼弟子傳

古者耕以人耦不用牛力作耕非本義也耕當讀爲

經說文經

口蓋切

牛犁下骨也引春秋傳曰宋司馬經

字牛卽司馬耕也昭二十年傳有華經孟子告子篇
有宋經是古人多以經爲名司馬經亦是也耨耕亦
當爲耨經古字假借耳司馬牛一名犁者論語離也
篇犁牛之子驂且角何注云犁雜文也淮南說山篇
駟屯犁牛旣科以櫟櫟今本誤作櫟
辨見淮南雜志高注云犁牛不
純色。

莒苑牧之字羊

昭二十二年左傳案昭二十二年傳有苑
何忌則苑乃姓也古姓名與字並稱者

恆先字而後名若百里
孟明視苑羊牧之是矣

宋羊斟字叔牂

宣二年左傳
案羊斟名也

羊斟史記宋微子世家作羊羹案羊斟卽羊羹也肉

汁謂之羹亦謂之斟。燕策廚人進斟羹。史記張儀傳

作廚人進斟。

趙世家使廚人操銅料行斟。

索隱云斟謂羹汁故名

汁曰斟。方言斟汁也。北燕朝鮮泐水之隅曰斟。關西

曰汁。羊斟字叔牂者。爾雅云羊牝。牂錢氏曉微養新

錄云淮南繆稱云魯酒薄而邯鄲圍羊羹不斟而宋

國危。則斟爲斟酌之義。左傳其御羊斟不與。當以羊

爲其御之名。斟不與三字爲句。細玩下文其御字。叔

牂正與羊名相應。傳文後兩斟字。或後人所加。引之

案呂氏春秋察微篇。鄭公子歸生率師伐宋。宋華元

率師應之。大棘羊斟御。明日將戰。華元殺羊饗士。羊

斟不與房則華元之御。自以羊斟二字爲名。傳云其御羊斟不與。又云君子謂羊斟非人也。又云詩所謂人之無良者其羊斟之謂乎。皆以羊斟連讀不得以斟不與三字爲句。亦不得謂下文兩言羊斟斟字皆後人所加也。淮南所云當由誤讀左傳而然。殊不足據。漢書古今人表亦有羊斟斟字之屬。上讀明甚。

衛高柴字子羔

仲尼弟子傳

柴讀爲犂同聲假借也。說文犂

玉篇七移切

羊名。蹠皮可

以割。秦召南羔羊傳云小曰羔。大曰羊。

名字相應。故訓所存。而古義不可周知。姑闕所疑。以

侯達者列如左。

晉寺人勃鞞字伯楚

晉語一名披鞞五年左傳案勃鞞之合聲為披。

宋公子目夷字子魚

僖八年左傳

魯公子買字子叢

僖二十八年左傳

楚公子嬰齊字子重

宣十一年左傳注

楚公子貞字子囊

成十五年左傳注

鄭良霄字伯有

襄十一年左氏經注

鄭罕嬰齊字子齋

昭十六年左傳注

楚伍員字子胥

昭二十年左傳注

魯季公亥字若

昭二十五年左傳

宋樂祁字子梁

定八年左傳

衛公孫彌牟字子之

哀十二年左傳注

齊顏涿聚字庚

哀二十三年左傳注

宋樂莢字子潞

哀二十六年左傳

晉士蔭字子輿

晉語注

晉祁奚字黃羊

呂氏春秋去私篇注

齊酈人巫字易牙

史記齊世家索隱引賈逵左傳注

魯孔箕字子京

史記孔子世家

魯冉雍字仲弓

以下說見史記仲尼弟子傳

武城澹臺滅明字子羽

江東橋疵字子庸

淳于光羽字子乘

魯公夏首字乘

魯縣成字子祺

上與榮旂字子祺相連疑因此誤衍字子祺三字。

衛廉絜字庸

魯公西蒧字子上

上與公面與如字子上相連疑因此誤衍字子上三字。

伯仲叔季兄弟之序也或與字俱稱或卽以爲字雖以爲字與命名之義不相比屬列如左

魯費片父字伯

隱二年左傳注

鄭祭足字仲

桓五年左傳稱祭足十一年傳稱祭仲足名也仲字也杜注以爲名仲字仲足失之

魯公子慶父字仲

莊二年左氏經稱公子慶父八年傳稱仲慶父慶父名也仲字也古人以

王父字為氏故其後為仲孫氏。

魯公子牙字叔

莊三十二年左氏經稱公子牙傳稱叔牙牙名也叔字也古人以王父字為氏

故其後為叔孫氏。

魯公子友字季

莊二十七年左傳稱公子友三十二年傳稱季友閔二年傳稱成季友名也季

字也古人以王父字為氏故其後為季孫氏。

楚成大心字孫伯

僖二十八年左傳注

晉荀林父字伯

宣十五年左傳注

衛侯剽字子叔

襄二十六年左傳

魯公子愁字子仲

昭十二年左傳

宋皇對字子仲

哀十四
年左傳

魯公肩定字子中

中與
仲同

魯顏之僕字叔

竝史記仲
尼弟子傳

春秋內外傳人名凡注以某爲某而今未知其審者

列如左

楚鬬廉鬬射師

莊三十年左傳
注以爲一人

宋樂鉏將鉏

成十六年左傳正義云杜預於樂氏之下
樂鉏將鉏爲一人傳無樂鉏之文不知其

故何也。

宋皇鄖大司馬椒

襄九年左傳正義引
服虔注以爲一人

鄧石翼石孟

襄二十二年
左傳注

鄭子般駟宏子思

哀二年左傳注以子般為駟宏二十年傳注以子思為國參世族譜則

以子般駟宏子思為一人

魯公子括伯御

周語注以括為伯御史記魯世家則以伯御為括之子。

魯匠師慶御孫

魯語匠師慶宗人夏父展莊二十四年左傳皆作御孫未知二人中孰為御孫

也韋注則以慶為御孫之名。

晉董褐司馬寅

吳語注以為一人哀十三年左傳作司馬寅。

晉竇犇字鳴犢

史記孔子世家間竇鳴犢犇犇之夙索隱云竇犇字鳴犢案史記原文當作間

鳴犢竇犇之夙而無犇犇二字下文竇鳴犢犇犇晉國之賢大夫也亦當作鳴犢竇犇晉國之賢大夫也蓋鳴

犢一人也竇犇又一人也漢書古今人表以鳴犢竇犇二人拉列孔叢子記問篇夫子及河間鳴犢與竇犇之

見殺也迥異而旋皆本於史記而不及犇犇或作鐸鳴犢犇魏志劉廙傳注引新序以趙犢犇晉鐸房魯孔某

爲三人或作澤鳴犢犢。說苑權謀篇以晉澤鳴犢犢犢。孔某爲三人而亦不及舜華。惟家語困誓篇裴史記之文而矣。改之曰趙簡子殺實犢及舜華且以爲二人則是以實犢鳴犢爲一人舜華爲一人也。後人又據之以改史記遂易鳴犢實犢之文爲實鳴犢舜華而原本不可復識矣。然考集解云或作鳴犢實犢又作實鳴犢舜華也。蓋裴駰所據本作鳴犢實犢其別本或作鳴犢實犢又或以家語改史記作實鳴犢舜華耳。後人惑於家語乃以改竄之本爲正文。選作實鳴犢舜華遂與別本重複。不知正文作鳴犢實犢故集解記別本云又作實鳴犢舜華。若正文已作實鳴犢舜華則集解不須記此本矣。據別本以校正文其作鳴犢實犢明甚。小司馬不能釐正乃據改竄之本而解之云實犢字鳴犢疏矣。唐書宰相世系表古今姓氏書辨證通志氏族略皆沿誤本史記之誤。

附 晉文侯仇字義和

文侯之命父義和傳云義和字也

四也。故名仇字儀。案古天子於諸侯無稱字者。康誥酒誥梓材三篇王若曰小子封王曰封定四年左傳引蔡

仲命書云王曰胡又引踐土之盟載書云王若曰晉重
魯中衛武蔡甲午鄭捷齊潘宋王臣莒期皆稱其名其
他則稱伯父伯舅叔父叔舅而已未有稱字
者也或以義為字或以義和為字竝當闕疑

附 鄒孟軻字子輿文選辨命論引傳子云鄒之君子孟

序釋文正義竝云姓孟名軻字子輿臧氏面成曰趙岐
孟子題辭云孟子鄒人也名軻字則未聞也據此則孟
子無字

左傳人名有似異而實同者列如左

晉司馬督昭二十司馬烏二十八年傳案烏乃篤之譌
篤與督古字通漢書古今人

表正作
司馬篤

晉魏曼多定十三魏侈史記晉魏侈趙世家案多侈侈
羊左傳魏侈世家魏侈古同聲而通用

魯孟孺子洩武伯莸哀十一年左傳注案洩
莸聲相近故莸通作洩

王肅家語所列名字異於他書者皆不可信不敢

入列如左。

有若字子有

七十二弟子篇案史記仲尼弟子傳不云字子有。

漆雕開字子若

同上案史記作漆雕啓字子開。

秦商字不慈

同上案史記作字子不。

琴牢字子開一字張

同上案昭二十一年左傳及孟子盡心篇皆作琴張莊子大宗師篇作

子琴張而無琴牢之文。論語子罕篇牢曰鄭注亦不以爲琴張牢與琴張本非一人也。而云琴牢字子開一字

張又於家語序中表箸之其爲臆撰之說顯然可見杜預乃用其說以注左傳誤矣。漢書古今人表琴牢當作

琴張後人據家語改之也。琴張見於左傳孟子故人表列之若琴牢則書傳所無何由得列於人表乎。

冉孺字子魚

同上案史記作字子魯。

伯虔字楷

同上案史記作字析楷蓋哲之譌哲與析通史記正義引家語作字哲哲亦哲之譌

陳亢字子亢一字子禽

同上案論語學而篇鄭注陳亢字子禽不云字子亢此因檀弓

陳子亢而增之也。不知陳子亢別是一人。案古今人表

陳亢列第五。陳子亢列第六。梁氏曜北云。陳子亢是子

車弟。子亢字也。與陳人名亢字子禽者判然不同。

自鄭注檀弓誤云子亢孔子弟子。遂以為一人。

奚箴字子楷

同上案史記作奚容箴字子哲楷蓋哲之譌

廉潔字子曹

同上案史記作字肅

公西滅字子尚

同上案史記作公西蒧字子上

穰駟赤字子從

同上案史記穰作穰從作徒

并季字子產

同上案單行本史記索隱作并季產季乃長幼之序非名也。不得云并季字子產。今

本史記亦作并季字子

產。後人以家語改之也。

薛邦字子從

同上案史記作鄭國字子徒。

縣直字子象

同上案史記作鄒單字子家。

狄黑字哲之

同上案史記作字哲。

商澤字子秀

同上案史記無字子秀三字集解引家語作字季。

原抗字子藉

同上案史記作原亢籍。

漆雕從字子文

同上案史記從作徒無字子文三字

公夏守字子乘

同上案史記守作首。

申繚字子周

同上案史記公伯僚字子周申黨字周而無申繚字子周之文繚今本家語誤作績

史記正義

引作繚

孔忠字子蔑

同上案史記無字子蔑三字

縣成字子橫同上案史記橫作祺。

顏相字子襄同上案史記相作祖。

宋父周本姓篇案商頌那篇王義引世本弗甫何生宋父無周字潛夫論志氏姓篇同。

世子勝同上案商頌正義引世本無此一代。潛夫論但云宋父生世子而無勝字。

畢夷同上案商頌正義引世本作祁父潛夫論同無作畢夷者。

子家名傲後名永後序案永蓋求字之誤史記孔子世家作求字子家漢書孔光傳作子家

求不云名傲。

子直名檻同上案史記作箕字子克漢書作子真其

武字子順名微後名斌同上案史記作子慎漢書作順而無武微斌三名。

子魚名鮒後名甲同上案史記孔子世家云子慎生鮒儒林傳謂之孔甲而無字子魚之文

敘曰名字者自管相承之詁言也白虎通曰聞名卽知其字聞字卽知其名蓋名之與字義相比附故叔重說文屢引古人名字發明古訓莫著於此觸類而引申之學者之事也夫詁訓之要杜聲音不杜文字聲之相同相近者義每不甚相遠故名字相沿不必皆其本字其所似偕今韵復多異音畫字體以爲說執今音以測義斯於古訓多所未達不明其要故也今之所說多取古音相近之字以爲解雖今亡其訓猶將罕譬而喻依聲託義焉爰考義類定以五體一曰同訓子字子我常字子恆之屬是也二曰對文沒字子明偃字子犯之屬是

也三日連類括字子容側字子反之屬是也四日指實
丹字子革啟字子閭之屬是也五日辨物鍼字子車鯁
字子魚之屬是也四斯五體測以六例一日通作徒字
爲都籍字爲鵠之屬是也二日辨譌高字爲克狄字爲
秋之屬是也三日合聲徐言爲成然疾言爲旃之屬是
也四日轉語結字子綦達字子姚之屬是也五日發聲
不狃爲狃無畏爲畏之屬是也六日竝稱乙喜字乙張
侯字張之屬是也訓詁列杜上綱名物分爲下卷嶽箸
者不爲贅設之詞難曉者悉從闕疑之例上稽典文旁
及謠俗亦欲以究聲音之統貫察訓詁之會通云爾至

於解釋不明援引鮮當大雅允達其有以教之矣

經義述聞第二十三